

«Балдырған» бөбекжай- балабақшасы МКҚК

Бекітемін:
Менгеруші: А. Қ. Бисебаева



Келісемін:
Әдіскер: Ш.Р.Толыбаева



Ата-аналармен жұмыс жоспары

«Күншуақ» тобы

**Тәрбиеші :Баймуханова С.
Ерешова Р.**

2024-2025 оқу жылы

2024-2025 оқу жылының ата-аналармен жұмыс жоспары

Айы	Тақырыбы	Мақсаты	Жауапты адамдар
Қыркүйек	1.«Менің отбасым – менің бақытым»күніне фото көрме	Отбасы мүшелеріне деген сүйіспеншілік ,қамқорлық , мейірімділік ,сезімдерін дамыту .	Тәрбиеші
Қазан	«Асар» (жәрмеңке) Күзгі жапырақтардан түрлі бейнелер көрмесі	Ата-анамен бірлескен әрекет арқылы күзгі жәрмеңке ұйымдастыру. Табиғи материалдармен жұмыс.	Тәрбиеші
Қараша	«Жеті атасын білген ұл, жеті жұрттың қамын жер»	Ұрпақтың өз ата-бабаларын құрметтеуін,ұлттық мәдениетті түсінуін және жеті атаны білу арқылы өз тарихын білу қажеттілігін тәрбиелеу болып табылады.	Тәрбиеші
Желтоқсан	«Қош келдің жаңа жыл»	Балаларға жаңа жыл мерекесінің қуанышымен таныстыру,мерекелік көңіл күй сыйлау.	Тәрбиеші
Қаңтар	«Балалар кітапханасы адалдық әлемі»	Ата аналармен бірлесе отырып қар бетіне түрлі бейнелер жасау	Тәрбиеші
Ақпан	«Әкем үйретеді»	Баланы әкесімен бірге қарапайым еңбек әрекетіне қатыстыру.Әке-бала байланысын күшейту. Балалардың ұсақ маторикасын, қызығушылығын дамыту. Адал еңбекке түсінік қалыптастыру.	Тәрбиеші
Наурыз	«Аяулы анашым»	Балаларды аналарын,әжелерін құрметтеуге ,мейірімді,ізетті болуға тәрбиелеу. Балаларды ұлттық ойындармен	Тәрбиеші

		таныстыру.Қазақтың дәстүрлі ойындарын таныстыру.	
Сәуір	«Таза ауа таза әлем»	Балабақша ауласын тазалау,көгалдандыру.	Тәрбиеші
Мамыр	«Ертегі әлеміне саяхат»	Ата-аналарға баланың қиял әлемін түсінуге көмектесу және ертегі арқылы бала тәрбиесінің жаңа қырларын ашу.	Тәрбиеші

«Балдырған» бөбекжай-бақшасы мемлекеттік коммуналдық қазыналық кәсіпорыны



Тақырыбы: ««Менің отбасым – менің бақытым»

«Күншуақ» тобы

2024-2025 оқу жылы

Тексерілді!
Жар

«Менің отбасым – менің бақытым» фотокөрмесі

Мақсаты:

Балалардың отбасы туралы түсініктерін кеңейту, ата-анаға деген сүйіспеншілік пен құрмет сезімін қалыптастыру. Отбасы құндылықтарын насихаттау.

Міндеттері:

Балаларды өз отбасы мүшелері туралы әңгімелеуге үйрету;

Отбасы мүшелеріне қамқорлық жасауға тәрбиелеу;

Сөйлеу мәдениетін дамыту;

Фотосурет арқылы жағымды эмоция қалыптастыру.

Көрменің атауы:

«Менің отбасым – менің бақытым»

Көрме түрі:

Фотокөрме

Қатысушылар:

Тәрбиешілер, ата-аналар, тәрбиеленушілер

I. Кіріспе бөлім

Тәрбиеші: Құрметті ата-аналар, балалар!

Бүгінгі «Менің отбасым – менің бақытым» атты фотокөрmemізге қош келдіңіздер!

Отбасы – әр адам үшін ең қымбат, ең ыстық ұя. Отбасында адам мейірімділікті, сүйіспеншілікті, қамқорлықты үйренеді.

II. Негізгі бөлім

Фотокөрмені таныстыру

Тәрбиеші балаларды фотосуреттермен таныстырады.

Сұрақтар:

Суретте кімдер бейнеленген?

Отбасыңмен қайда түскенсің?

Отбасыңда кімдерді жақсы көресің?

Үйде қандай көмек көрсетесің?

Балалардың жауаптары тыңдалады.

III. Ойын бөлімі

Ойын: «Отбасы мүшесін ата»

Шарты: тәрбиеші отбасы мүшесін сипаттайды, балалар атын табады.

Мысалы:

Үйдің тірегі, әкеңнің аты кім?

Мейірімді, ертегі айтып береді — бұл кім?

IV. Тақпақтар

Бала:

Отбасым менің тірегім,

Бақытқа толы жүрегім.

Ата-анам жанымда,

Қуанышым — мерекем!

V. Қорытынды

Тәрбиеші: Отбасы — жылулық пен махаббаттың мекені. Әр шаңыраққа амандық, бақыт, береке тілейміз!

Балалар мен ата-аналарға алғыс айтылады



«Балдырған» бөбекжай-бақшасы мемлекеттік коммуналдық қазыналық кәсіпорыны



Тақырыбы: «Күзгі асар жәрмеңкесі»

«Күншуақ» тобы

2024-2025 оқу жылы.

Жоспарыңды жаз

Күзгі асар жәрмеңкесі

«Адал азамат-Біртұтас тәрбие» бағдарламасы аясында «Балдырған» бөбекжай-бақшасында ата-аналар мен тәрбиешілердің ұйымдастыруы бойынша ұйымдастырылған "Күзгі асар" жәрмеңкесіне қош келдіңіздер!

Мақсаты: күз уақыты молшылыққа толы болғандықтан күздің берекелі, мерекелі кезін насихаттау. Балаларды әсемділікке, еңбекқорлыққа баулу, табиғатқа деген қызығушылықтарын арттыру.

Бүгінгі мерекелік іс-шара көкөністер мен жемістер, әдемі аралар және қырманшылар шеруімен басталды. Сонымен бірге ата-аналарымыздың күз өнімдерден ұйымдастырған жәрмеңкеге белсене қатысуларыңыз сұралады.

Көрменің мақсаты:

- Қазақтың «асар» дәстүрін таныту, ынтымаққа тәрбиелеу
 - Күзгі өнімдерді пайдалана отырып шығармашылық туындылар жасау
 - Ата-аналар мен балалардың бірлескен жұмысын насихаттау
- "Адал азамат" жоспарына сәйкес "Күзгі асар" жәрмеңкесі тәрбиелік мәні өте зор.

Ән: «Күз келді»

БИ: «Қырманшылар»

Ортаға балаларымыздың күзгі тақпақтарымен ортаға шақырайық.

1. Ахмет: Күзде бәрі піседі,
Бақтар жеміске толады.
Қыстың қамын ойлаған,
Дала дөнге оранды.
2. Күзде аспан түнжырап,
Жерге жаңбыр тамшылар.
Дала толып молшылық,
Еңбек ерін аңсатар.
3. Күзде бақтар әдемі,
Жемістерге сәні енді.
Қолға себет аламыз,
Жиналады бәрі енді.

Ендеше ортаға Жемістер мен көкөністерді, Кішкентай араларды өз өнерлерімен ортаға шақырайық.

БИ: «Күзгі бақша дақылдары мен аралар биі»

Жүргізуші:

Құрметті ата-аналар, қадірлі қонақтар және балақайлар!

Осымен «Адал азамат — Біртұтас тәрбие» бағдарламасы аясында ұйымдастырылған *«Күзгі асар жәрмеңкесі»* атты мерекелік іс-шарамыз өз мәресіне жетті.

Бүгінгі көрмеміз бен жәрмеңкеміз күз мезгілінің берекесін ғана емес, ата-бабамыздан қалған «асар» дәстүрінің, яғни бірлік пен ынтымақтың озық үлгісін көрсетті. Балабақшамыздың өміріне әркез қолдау көрсетіп, күзгі өнімдерден көздің жауын алатын шығармашылық туындылар дайындаған, жәрмеңкеге белсене қатысқан барша ата-аналарымызға ұжымымыз атынан шексіз алғысымызды білдіреміз!

Балаларымыздың бойында еңбекқорлық пен ұлттық құндылықтар осылай бірлескен жұмыстар арқылы қалыптаса бермек. Отбасыларыңызға амандық, дастарқандарыңызға құт-береке тілейміз!

Күзгі береке барлық шаңыраққа бақ әкелсін! Келесі кездескенше сау-саламатта болыңыздар!



«Балдырған» бөбекжай-бақшасы мемлекеттік коммуналдық қазыналық кәсіпорыны



Тақырыбы: «Жеті атасын білген ұл жеті жұрттың қамын жер»

«Күншуақ» тобы

2024-2025 оқу жылы.

Тексерілді:
Жауап

Тақырыбы: «Жеті атасын білген ұл жеті жұрттың қамын жер»

Мақсаты: Ұрпақтардың өз ата-бабаларын құрметтеуін, ұлттық мәдениетті түсінуін және жеті атаны білу арқылы өз тарихын білу қажеттілігін тәрбиелеу болып табылады.

«Ботақан» тобынан Дербисов Ринат

Ұлы Таңатов төренұрмен

«Айгөлек» тобынан: Қойбағаров Серікбай

Ұлы Қойшыбай Рауанмен

«Аққайын» тобынан Мәденбаев Жанұлан

Ұлы: Мәденбаев Батырханмен

Тәрбиеші: Құрметті әкелер және кішкентай бүлдіршіндеріміз бүгін біздің әкелер мектебінің «жеті атасын білген ұл жеті жұрттың қамын жер» атты іс-шараға қош келдіңіздер. Қазақта «Әкеге қарап ұл өсер, анаға қарап қыз өсер» деген сөзді ата-бабаларымыз бекер айтпаған болар. Қазақ жеті атаға дейін қан араластырмайды. Жеті атаға толмай қыз алыспау ата-бабамыздан бері келе жатырған қазақтың тәрбиелік дәстүрі. Әрбір қаақ жеті атасын жетік білу міндетті. Бұл отбасылық тәлім-тәрбиенің негізі. Ендеше бүгінгі іс-шарамызда шежіре мәселесіне тоқталып, балаға шежіре, әулет тарихы туралы айтып өтетін боламыз.

Тәрбиеші: Құрметті әкелер бүгінгі «Әкелер мектебінің» «Жеті атасын білген ұл жеті жұрттың қамын жер» тақырыбындағы іс-шарамыздың жоспарымен таныс болыңыздар.

1. Сиқырлы қоржын ішіндегі сұрақтар.
2. Ұлттық мұрамыздың бір бөлшегіне айналған ерекше өнерді балаларымызға таныстыратын боламыз. Олар Ер тоқым, қамшы өру, атқа міну, асық ату.
3. Әкелер мен балалар арасындағы байланысты нығайтуға, көңілді әрі белсенді уақыт өткізуге мүмкіндік беретін тамаша ойын «Отбасы ағашы» деп аталады. **Тәрбиеші:** Құрметті әкелер қазір менің алдымдағы қоржынның ішінде сұрақтар салынған. Сол сұрақтарды алып өз ойларыңызды ашық және балаға түсінікті қылып айтуларыңыз сұралады. Ендеше бастайық.

1) Әке ретінде өзіңізді қалай сезінесіз? Әке болудың ең маңызды міндеттері қандай деп ойлайсыз?

2. Жеті атаны білудің маңызы туралы не ойлайсыз? Бұл дәстүрдің сіз үшін қандай мәні бар?

3. Аталарымыздан алған тәрбие сіздің өміріңізде қалай көрініс тапты?

4. Бала тәрбиесінде ең маңызды нәрсе не деп есептейсіз?

Мысалы: Балаға дұрыс бағыт беру, тәртіп орнату, өмірлік құндылықтарды үйрету және үлгі көрсету маңызды.

5. Өзіңіздің ата-бабаңыздың дәстүрлерін, әдет-ғұрыптарын ұрпаққа жеткізу үшін қандай шаралар қабылдайсыз?

6. Әке ретінде өз балаларыңызға қандай құндылықтарды үйретуге тырысасыз?

7. Жеті атаны білу ,ұрпақтар арасындағы байланысты сақтау сіз үшін қаншалықты маңызды?

8. Сіздің ата-бабаларыңыздың қандай дәстүрлері мен әдет-ғұрыптары сіздің өміріңізде қолданылады?

9. Әке ретінде жеті атаны білу ,отбасы тарихын сақтау сіз үшін неге маңызды?

10. Жеті атаны білу қазіргі жастарға қалай әсер етуі мүмкін?

11. Қазақ ұлдан тараған ұрпақты жеті атаға дейін қалай атаған?

Жауабы: Бала, немере, шөбере, шөпшек , немене, жүрежат, туажат.

12. Жеті қазынаны атаңыз?

Жауабы: Ержігіт, сұлу әйел, ақыл білім, жүйрік ат, қыран бүркіт, берен мылтық, жүйрік тазы.

Тәрбиеші: Құрметті әкелер бүгін біз балаларымызға өзіміздің ұлттық мұрамыздың бір бөлшегіне айналған ерекше өнермен таныстыратын боламыз. Ер тоқым, қамшы өру , атқа міну , асық ату. Ер тоқым мен қамшы бұл тек құралдар емес , ол біздің ата-бабамыздан қалған құнды мәдени мұра. Бұл қолөнер түрлері әр қазақтың өмірінде маңызды орын алған. Ол —ер жігіттің күшін, батырлығын, ерлігін, сондай-ақ атадан балаға мирас болып келе жатқан шеберлік пен даналықтың белгісі. Бүгін біз осы өнерді үйрету арқылы өзіміздің ұлттық болмысымызды тереңірек түсініп, оны ұрпаққа жеткізу жолында маңызды қадам жасаймыз. Біздің әрбір жасайтын қадамымыз арқылы ұрпағымызға осы дәстүрлерді мұра етіп қалдырамыз. Ендеше менің қолымдағы қалташадан осы тақырыпқа байланысты сұрақтарды алып , балаларымызға түсінікті етіп түсіндіреміз.

1 Ер тоқым туралы түсіндіру.

2 Атқа мінуді үйрету.

3 Қамшы өруді үйрету.

4 Асық атуды үйрету.

Тәрбиеші: Біздің әкелерімізге көп-көп рахмет . Әкелеріміз осы құндылықтарды ұрпақтарына үлгі етіп көрсету өте маңызды деп есептеймін.

Тәрбиеші: Бүгін енді біз әкелерімізбен ойын ойнағалы отырмыз. Бұл ойын әкелер мен балалар арасындағы байланысты нығайтуға, көңілді әрі белсенді уақыт өткізуге мүмкіндік беретін тамаша тәсіл.

«Отбасы ағашы» деп аталады . Алдарыңызға плакат , карандаштар беремін. Бұл ойынның Мақсаты: Әкелер мен балалардың бірге жұмыс істеуін ынталандыру, отбасы тарихын білу. Салынған сурет бойынша әр отбасы мүшесі туралы қысқаша айтып, оның отбасы үшін маңыздылығын түсіндіреді.

Тәрбиеші: Жеті атадан өтіп, Ата-бабаларымыз жеті атаны білу жөнінде айтар ойын жинақтап, оны мына бір ауыз сөзбен жеткізіп кеткен екен.

Жеті атасын білген ұл,

Жеті жұрттың қамын жер.

Жеті атасын білмеген

Құлағы мен жағын жер дейді халық даналығы. Ата жолын сақтап, балаларымызға руын, жеті атасын айтып үйрету, әр ата-ананың парызы екенін ұмытпайық. Осымен бүгінгі «Жеті атасын білген ұл жеті жұрттың қамын жер» атты іс-шарамыз аяқталды уақыт бөліп келген әкелерімізге көп-көп рахмет.



«Балдырған» бөбекжай-бақшасы мемлекеттік коммуналдық қазыналық кәсіпорыны



Тақырыбы: « Қош келдің жаңа жыл»

«Күншуақ» тобы

2024-2025 оқу жылы.

Тексерілді:
Seaf

Тақырыбы: « Қош келдің жаңа жыл»

Жүргізуші:

Армысыздар құрметті қонақтар ,ата-аналар,балабақша бүлдіршіндері!Міне көптен күткен жаңа жыл мерекесі де келіп жетті.Жаңа жыл жаңа шаттық ,жаңа қуаныш әкелсін.Еліміздің еңсесі биіктеп,аспанымыз ашық ,еліміміз тыныш болсын!Бүгінгі «Күншуақ»кіші тобының «Қош келдің жаңа жыл» атты ертеңгілігіне қош келдіңіздер!

Балалар музыкамен залға кіреді.

(балалар келіп шыршаны айналып тұрады.

Балалар қарандаршы, айнала неткен керемет, әсем мына шыршамыздағы ойыншықтардың алуан түрлері бар екен.Ендеше осы шыршамызды айналып «Аппак аппак» әнін айтайық.

Жүргізуші: Бәрімізде әп - әдемі жаңа жылдық киімдерімізді киіп жиналып қаппыз.

Бірақ,.. ортамызға Аяз ата мен ақша қар жетіспей тұр.Ендеше Аяз ата ,ақшақар аууууууууу деп аяз атамыз бен ақша қарымызды шақырайық.

Барлығымыз бірге: Аяз ата, Ақшақар ауууууу! Музыка әуенімен аязата, ақшақар келеді.

Аяз Ата:

Құтты болсын, балалар

Келген Жаңа жылдарың

Алаңдамай өсіңдер

Еркелеп қыз, ұлдарым

өткен жылы келіп ем

Бәріңді де көріп ем

Жыл өткізіп келем деп

Уәдемді беріп ем

Ойларың мен бойларың да

Бірдей өсіп қалдыңдар ма?

Ал, мен кіммін айтыңдаршы

Мені тани алдыңдар ма?

Балалар: Аяз ата!

Ақшақар.- Сәлеметсіңдер ме, балалар. Жаңа жылдарың құтты болсын!

Сүйсіндірер маңайды

Ақшақармын арайлы

Жалт - жұлт еткен жүзімнен

Күміс сәуле тарайды.

Ақшақармын аппақпын

Қалай тыныш жатпақпын

Менсіз қыстың сәні жоқ

Әнімін, жырмын, тақпақпын

Жүргізуші: Қош келдіңдер Аяз ата мен Ақшақар,біздің балалардың сіздерге арнаған тақпақтарымен әндері бар. Келіндер бізбен бірге қосылып ән айтып, шыршаны айналайық

Ән :Шыршаға барды

Жүргізуші: Біздің кішкентай бүлдіршіндеріміздің сіздерге арнаған тақпақтарын тамашалаңыздар.

Омар: Аппақ тоңға оранып,
Базарлықты мол алып.

Нұрилла: Жаңа жылым мол болсын,
Басқан қадам оң болсын.

Әмина:Дала нұр,кала нұр,
Құтты болсын жаңа жыл.

Жүргізуші: Қояндарым ,секіріңдер,
Жаңа жылды жетелеп.
Би күйіне көшейік,
Ақ қарменен тербеліп

Би: «Ақ қояндар»

Жүргізуші: Ойын: «Ақ ұлпа»

Екі ата-ана шығады.Аяз атаға және ақша қарға қар лақтыру.Кім көп қар жинаса сол ата-ана жеңімпаз болады.

Жүргізуші:Ескі жыл есіркесін жаңа жыл жарылқасын деп ескі жылан жылын шығарып салайық.

Жылан:Мен ескі жылмын.ескі жылға өкпе жоқ ,жаңа жылдан үміт көп. Ескі жылда болған қиындықтар артта қалып,жаңа жылға тек үміт пен сенім,береке мен бақытты ала кірейік.Әр шаңырақта тыныштық орнап,денсаулық пен молшылық жолдас болсын.

Жүргізуші:Жаңа жылым жылқы жыл,
Желдіріп жет ,жүйрік жыл.
Құт береке ала кел,
Ортамызға кел бүгін-деп жаңа жылымызды ортаға шақырайық.

Жылқы:Құрметті қауым,

Келіп жеткен жылқы жылы баршаңызға қуат пен қайрат,береке мен табыс әкелсін.Жылқы еркіндіктің,адалдықтың және еңбекқорлықтың нышаны.Осы жылы әр қадамыңыз нық болып,бастаған істеріңіз сәтті аяқталсын.Отбасыларыңызға амандық,шаңырақтарыңызға шаттық,Жүректеріңізге сенім ұяласын.Балаларымыз білімді,болашағымыз жарқын болсын.Жылқы жылы жақсылыққа жетелеп,мол ырыс пен берекеге толы жыл болғай.Жаңа жыл құтты болсын.

Жүргізуші: Біздің балаларымыздың тақпақтарына кезек берейік.Ортаға Айлин.Шырай өз тақпақтарын айта қойсын.

Айлин: Жаңа жыл, жаңа жыл
Жаңа жылда жаңа жыр.

Шырайлым: Қандай жақсы шыршамыз,
Ән шырқайық баршамыз.

Балаларға ойын: «Шыршаны кім тез безендіреді.
Балаларға шыршаның суретін беріп шыршаны безендендіру қажет .бірінші болып
безендірген балаға аяз ата сыйлық береді.

Жүргізуші : Санта клоус ортаға,
Шақырамыз биге біз
Қоңыраулар сыңғырлап,
Қуанышқа бөлер кез.

Би : «Санта клоус»

Жүргізуші:Құрметті қонақтар, балалар! «Қош келдің, Жаңа жыл!» жылға арналған
мерекеміз аяқталып қалды. Көріп тамашалағандарыңа рахмет. Жаңа жыл құтты
болсын, отбастарыңызға тек бақыт пен қуаныш әкелсін!!!Келесі сөз кезегін
балабақша меңгерушісі Бисебаева Әсел Қаржау қызына береміз.



«Балдырған» бөбекжай-бақшасы мемлекеттік коммуналдық қазыналық кәсіпорыны



Тақырыбы: «Балалар кітапханасы-Адалдық әлемі»

«Күншуақ» тобы

2024-2025 оқу жылы

Тексерілді:
Жар.

«Балалар кітапханасы-Адалдық әлемі»

«Адал азамат»

Тәрбиеші:Құрметті әріптестер және балалар!

Бүгін «Балалар кітапханасы-Адалдық әлемі» атты апталық жобамызға қош келдіңіздер. Адалдық-адам бойындағы ең асыл қасиет. Біз оны бала жүрегіне ертегілер, әңгімелер, ойындар арқылы сіңіреміз. Осы апталықта балалар кітаппен дос болып, шыншылдықты, мейірімділікті, еңбекқорлықты үйренеді. Кітапхана –білімнің алтын қазынасы. Ал «Адалдық әлемі»-сол қазынаның жүрекке жол табатын ерекше мекені.

Ендеше Балалар кітапханасы апталықтың ашылуымен құттықтап келіп отыр. Олай болса балалар қошеметпен қарсы алайық.

Шара болатын жерде кітап көрмесі шара аттас ашылуы керек.

Көңілді әуенмен Кітапханашы қыз, екі баланы ертіп ортаға шығады. Қолдарында жалауша, түрлі –түсті шарлар ұстап көңілді шығуы керек. Осы арада «Туған ел» қосылады!

Кітапханашы:-Сәлематсыздарма құрметті қонақтар, Жас достар!

Бүгін бала-бақшада-Кітаптар апталығы мерекесі! Олай болса Достар осы мерекемен баршаңызды құттықтаймыз! Кітап туралы кім жақсы тақпақ біледі!

Екі бала:-Апай біз білеміз!

Ілияс:-Кітап білім бұлағы,

Білім-өмір шырағы.

Кітаптардың мекені,

Кітапхана тұрағы.

Әмина:- Ақылына ақша сұрамайтын,

Кітап атты ол-байлық.

Таза ұстап әрбір бетін

Одан ақыл сұрайық !

Кітапханашы:-Өте дұрыс, ақылына ақы сұрамайтын құнды байлық ол-кітап екен !

Кітап-ғасырлар мұрасы, Ол ешқашан сарқылмайтын байлық, адмзат ақыл-ойын ғасырдан-ғасырға апаратын көш-керуендей үзілмей апаратын рухани құндылық екен! Ендеше балалар мерекеге орай Аудандық балалар кітапханасынан кітап көш-керуені келе жатыр! Қане, қошеметпен тұрып қарсы алайық !/балалар қол соғып, қуанып қарсы алады/

Осы арада 6 машинадан тұратын колонаны манағы екі бала сүйреп ортаға әкеледі.

Балалар кітап мерекесіне орай біздерді құттықтауға ертегілер мен өздерің сүйіп көретін мультік кейіпкерлері келе жатыр, қане қош келдіңіздер !

Осы арада «Ертегілер » әні қосылады. Ханшайым-Аяжан:

Балалар көш керуенді бастап Ертегілер келген екен. Олай болса қай кейіпкер қай ертегіден келген екен, бірге жинақтайық балаларды ортаға тарту

Аяжан:-Келесі көшіміз Ұлттық ойындарды алып келген екен.ендеше қандай ұлттық ойындарды білеміз !

АУДАРЫСПАҚ,

ЖАМБЫ АТУ,

ТАЙ ЖАРЫСЫ,

АРҚАН ТАРТУ,

Олай болса ер баладар екі топқа бөліне қойсын, арқан тартып көрейік !

Қошқар көтеру ойнын ойнату

Аяжан: Өнер көшімен керуенімізді аяқтайық.,домбыра, сырнай,керней,баян - бұлардың бәрі өнерге қатысты ұлттық саз аспаптары.Ақындардың әдемі жыр жолдары, сазгерлердің құйқылжыған әндеру, мың бұралған бишілер-нағыз өнер иелері.

Ендеше балалар кім билегенді ұнатады, ортаға шығайық !

Қара жорға қосылады!

Кітапханашы:-Кітаптардың мекен ететін тұрағы-кітапхана! Олай болса, құрметті жас достар.Сол жерде ғажайыптың түрі бар, оны қолыңмен ұстап өзің оқып, санаңа құйып алу үшін жүріңдер бәріміз кітапханаға бірге барайық !

Осы арда **«Жүр досым кітапханаға»** қосылады бәрі флеш-мобқа шығады!



«Балдырған» бөбекжай-бақшасы мемлекеттік коммуналдық қазыналық кәсіпорыны



Тақырыбы: «Әкем үйреткен»

«Күншуақ» тобы

2024-2025 оқу жылы.

Тексерілді:
Жауап

Тақырыбы: «Әкем үйреткен»

Мақсаты: Баланы әкесімен бірге қарапайым еңбек әрекетіне қатыстыру;

Әке-бала байланысын күшейту;

Балалардың ұсақ моторикасын, қызығушылығын дамыту;

Адал еңбекке түсінік қалыптастыру.

Тәрбиеші: Құрметті әкелер, сүйкімді балалар бүгін біз «Әкем үйреткен» атты шағын шеберлік іс-шарамызды бастауға рұқсат етіңіздер. Әке-отбасының тірегі, ұлдың ұстазы, қыздың қамқоршысы. Әкенің үйреткен еңбегі-үлкен тәрбие. Ендеше ортаға әкелерімізді шақырайық.

«Күншуақ» тобынан Нұрболат Бейбарыс Еркебұлан ұлы.

Әкесі: Ахметов Еркебұлан

«Балапан» тобы Таңатов Төренұр Ринат ұлы

Әкесі: Дербисов Ринат

«Еркетай» тобы Қосым Димаш Әділет ұлы

Әкесі: Дәулетқалиев Қыдырқожа Қосым ұлы

1-ші бөлім. «Әкем менің үлгі өнегем» таныстыру бөлімі.

Әр отбасы қысқаша өздерін таныстырып өтеді.

-Әке есімі

-Қандай кәсіппен айналысады

-Баласына қандай еңбек түрін үйретеді?

2-ші бөлім Әкем білгіш сұрақ жауап. Әкелерге арналған еңбекке қатысты қысқаша сұрақтар

1. Адал еңбек деген не?

2. Баланы еңбекке қалай баулу керек?

3. Үйде балаңызбен қандай шаруаны бірге жасайсыз?

3-ші бөлім Шеберлік сабағы «Әкеммен бірге жасаймын»

Үйден жасаған жұмыстарын сурет арқылы түсіндіру. Жасаған жұмыстарын алып келу.

4. Ойын «Қай құрал қайда?»

Шарты: Үстел үстінде жұмсақ ойыншық, еңбек құралдары.

Балға, күрек, щетка, қылқалам.

Тапсырма: Әкесі балаға сұрақ қояды:

-Күректі көрсет

-Балғам қайда?

-Бояу қылқалам қайда?

Бала көрсетеді, ұстап көреді.

5. Қимылды ойын. «Әкемді табамын»

Шарты: Бөлме ішінде әкелер 1-2 қадам қашық тұрады. Балаларға өз әкеңді тап деген кезде әкесінің дауысынан өз әкесін табу керек.

6. «Әкем үйретеді» Әкесі баласына ләнгі ойнап көрсету.

Қорытынды:Бүгінгі шарамызда әр әке өз баласымен бірге адал еңбек пен шеберліктің үлгісін көрсетті.Сіздерге үлкен рақмет.

Әкелерге мақтау қағаздары:

«Еңбекқор әке»

«ең шебер әке»

«белсенді әке»

«Баласына үлгі әке»



«Балдырған» бөбекжай-бақшасы мемлекеттік коммуналдық қазыналық кәсіпорыны



Тақырыбы: «Аяулы анашым»

«Күншуақ» тобы

2024-2025 оқу жылы.

Тексерілді:
Шаф

Тақырыбы: «Аяулы анашым»

Құрметті Аяулы әжелер,аналар,қызғалдақ қыздар,қадірлі тәрбиешілер!Көңілдеріңізге көктем шуағындай сезім мен нұр құйып 8-ші наурыз халықаралық әйелдер мерекесі де келіп жетті.Осындай көркем мерекенің қай кезде де орны бөлек.Олай болатыны аналарға ыстық сезім,алғыс пен құрмет ешқашан сөңген емес.Олар өмірдің гүлі,көңілдің жыры,әр отбасының алтын дінгегі.Бүгінгі «Ана өмір шуағы»атты ертеңгілігіміз сіздерге арналады.

Құралай: Қымбатты да ардақты,аяулы аналар мен көктемдегі құлпырған қыздар!Көктемнің алғашқы айында еліміздің барлық жерінде тойланатын 8-ші наурыз әжелер,аналар,қыздар мейрамымен шын жүректен құттықтаймыз.Сіздерге әлемнің нұрын,өмірдің гүлін ,көктемнің шуағын тілейміз.Балаларымыздың сіздерге арнаған «Ана өмір шағы» атты ертеңгілігімізді қабыл алыңыздар.

Тәрбиеші: Ақ анашым,әппағым
Өзің жәйлі тақпағым.
Арналады сіздерге
Бар баланың тақпағы –дей келе сіздерге арналған балаларымыздың тақпақтарын қабыл алыңыздар

Асылым:
Мені жақсы көреді
Күндей күліп келеді.
Зере:
Мен анамды сүйемін
Сөзін ойға түйемін.
Айжұлдыз:
Анашымды ардақтап
Басымды оған иемін.

Тәрбиеші: Балаларымызбен «түсіне қарай тап»ойынын ойнап жіберейік.

Балаларымыздың аналарына арнаған әндерін қабыл алыңыздар.
Хор «Құттықтаймын мама туған күніңмен»
Балаларымыздың аналарына арнаған тақпақтарымен ортаға
Хамза.Шырайлым.Нұрмұхаммедті шақырамыз.

Хамза:
Айналайын анашым
Әлпештеген баласын.
Шырайлым:
Алтыным деп мақтаған
Айналайын ақ мамам.
Нұрмұхаммед:
Менің әжем ақ әжем

Ұл мен қызды бақ әжем.

Жадыра: «көзінен таны» ойынын ойнатайын. Бұл ойынды ойнату мақсатымыз ана мен бала арасындағы сүйіспеншілік пен жақындықты нығайту. Аналарымыздың баласына деген зейінін, байқағыштығын арттыру.

Жадыра: Мерекеге арналады бүгін билер,

Көтерілсін кәнекей көңіл күйлер-дей отырып ортаға балаларымыздың аналарына арнаған «Жылы жүрек» биін қол соғып қошеметпен қарсы алыңыздар

Жадыра: Бүгінгі ертеңгілігіміздің құттықтау сөз кезегін балабақшамыздың меңгерушісі Бисебаева Әсел Қаржау қызына беремін

Күндеріңіз толсын гүлге, желекке

Отбасында болсын ырыс береке.

Құттықтаймыз шын жүректен сіздерді

Өмір думан, бақ әкелсін мереке-дей келе бүгінгі мерекеге арналған ертеңгілігіміз аяқталды, келіп тамашалағандарыңызға көп рақмет



«Балдырған» бөбекжай-бақшасы мемлекеттік коммуналдық қазыналық кәсіпорыны



Тақырыбы: «Таза ауа – таза әлем»

«Күншуақ» тобы

2024-2025 оқу жылы.

Түзетілгендігі:

Мақсаты:

Балаларға таза ауа мен табиғаттың адам денсаулығына пайдасын түсіндіру, табиғатты аялауға тәрбиелеу.

Міндеттері:

Таза ауа туралы түсінік қалыптастыру;

Табиғатты қорғауға баулу;

Балалардың ойлау, сөйлеу қабілеттерін дамыту;

Тазалыққа, ұқыптылыққа тәрбиелеу.

Көрнекіліктер:

Табиғат суреттері

Күн, бұлт, ағаш макеттері

Шарлар

Гүлдер суреті

Әуен

Ұйымдастыру түрі:

Танымдық экологиялық іс-шара

Іс-шара барысы

I. Кіріспе бөлім

Тәрбиеші: Балалар, біз күн сайын таза ауамен тыныс аламыз.

Таза ауа бізге денсаулық, күш-қуат береді. Табиғатты таза ұстасақ, ауамыз да таза болады.

II. Әңгімелесу

Сұрақтар:

Таза ауа қайда болады?

Ағаштар не үшін керек?

Табиғатты қалай қорғаймыз?

Балалардың жауаптары тыңдалады.

III. Ойын: «Таза және лас»

Шарты:

Тәрбиеші суреттер көрсетеді. Балалар қайсысы таза табиғат, қайсысы лас орта екенін ажыратады.

IV. Сергіту сәті

«Самал жел»

Самал жел соғады,

Жапырақтар қозғалды.

Таза ауамен дем алып,

Көңіліміз жайланды.

V. Шығармашылық жұмыс

Мақтамен бұлт жасау;

Саусақпен күннің суретін бояу;

«Таза табиғат» ұжымдық жұмысы.

VI. Қорытынды

Тәрбиеші: Таза ауа — денсаулық кепілі.

Табиғатты таза ұстап, ағаштарды қорғауымыз керек.

Балаларға алғыс айтылып, «Табиғат досы» медальдары таратылады.



«Балдырған» бөбекжай-бақшасы мемлекеттік коммуналдық қазыналық кәсіпорыны



Тақырыбы: «Ертегі әлеміне саяхат»

«Күншуақ» тобы

2024-2025 оқу жылы.

Тексерілді:
2020

Тақырыбы: «Ертегі әлеміне саяхат»

Мақсаты:

Ата-аналарды балаларға ертегі оқуға тарту, отбасы мен балабақша арасындағы байланысты нығайту.

Міндеттері:

Балалардың ертегіге қызығушылығын арттыру;

Ата-анамен бірлескен шығармашылық жұмыс ұйымдастыру;

Отбасылық кітап оқу дәстүрін насихаттау;

Баланың тіл байлығын дамытуға ықпал ету.

Ұйымдастыру түрі:

Ата-анамен бірлескен шығармашылық кеш

Қатысушылар:

Тәрбиеші, ата-аналар, тәрбиеленушілер

Көрнекіліктер:

Ертегі кітаптары

Кейіпкерлер маскалары

Суреттер

Шарлар, безендірулер

Әуен

Іс-шара барысы

I. Кіріспе бөлім

Тәрбиеші: Құрметті ата-аналар!

Бүгін біз «Ертегі әлемі» атты қызықты кешке жиналып отырмыз. Ертегі — баланың қиялын дамытып, мейірімділікке тәрбиелейтін ғажайып әлем.

II. «Менің сүйікті ертегім»

Ата-аналар балаларымен бірге сүйікті ертегі кейіпкерлерін таныстырады.

Мысалы:

«Бауырсақ»

«Мақта қыз бен мысық»

«Шалқан»

III. Ойын: «Кейіпкерді тап»

Ата-ана кейіпкерді қимылмен көрсетеді, балалар табады.

IV. Шығармашылық жұмыс

Маска жасау;

Ертегі кейіпкерлерін бояу;

Қуыршақ театры.

V. Отбасылық көрме

«Біздің сүйікті ертегіміз» фотокөрмесі немесе кітап көрмесі ұйымдастырылады.

VI. Қорытынды

Тәрбиеші: Баламен бірге ертегі оқу — отбасы жылулығын арттырады. Уақыт бөліп қатысқан ата-аналарға үлкен рақмет!

Ата-аналарға алғыс хаттар табысталады.

